

SDA - Stranka demokratske akcije
A SDA - Stranka demokratske aktivnosti
SBB - Savez za bolju budućnost „Fahrudin Radončić“
Samostalna vijećnica Diana Bešić

GRAD ZENICA
Gradsko vijeće Zenica
Mediji

MEĐUSTRANAČKI SPORAZUM

o saradnji u Gradskom vijeću Zenica do kraja mandatnog perioda

U skladu sa odredbama Zakona o principima lokalne samouprave, Statuta Grada Zenice i Poslovnika o radu Gradskog vijeća Zenica, politički subjekti koji učestvuju u radu Gradskog vijeća Zenica i to: SDA - Stranka demokratske akcije, SBB - Savez za bolju budućnosti „Fahrudin Radončić“, A SDA – Stranka demokratske aktivnosti i samostalna vijećnica u Gradskom vijeću Zenica Diana Bešić ovim međustranačkim sporazumom usaglašavaju principe zajedničkog djelovanja u Gradskom vijeću Zenica do kraja mandatnog perioda na koji su izabrani.

Polazeći od stava da jedinice lokalne samouprave, time i Grad Zenica, trebaju biti u službi građana; zabrinutosti za evidentan zastoj Zenice u gotovo svim poljima društvenog djelovanja; svjedoci degradacije i omalovažavanja Gradskog vijeća kao predstavničkog tijela koje je nadređeno gradonačelniku Zenice i stojeći na pozicijama političke odgovornosti za stanje u Zenici, a povodom:


- sve učestalije štete koja se čini našem gradu kroz odsustvo bilo kakvih ozbiljnijih infrastrukturnih ulaganja,
- brzopletih sudskih procesa Gradske uprave na čelu sa gradonačelnikom koji su izgubljeni na sudovima (sporovi u vezi utroška sredstava za vodne naknade, rekonstrukcije puta Nemila-Bitričak, komunalnih taksi, i tako dalje) i kojima je nanesena višemilionska šteta gradskom budžetu,
- očite medijske i svake druge stigmatizacije, cenzurisanja i napada na političke subjekte, ali i građane i društvene grupe koji iznose kritičke stavove spram izvršne vlasti u Zenici,
- nepotrebnog i sve intenzivnijeg zapošljavanja podobnih u administraciji i javnim preduzećima bez bilo kakvog ekonomskog rezona i budžetskog opravdanja,
- sve intenzivnije protuzakonite i protustatutarne okupacije ingerencija Gradskog vijeća Zenica od strane izvršne vlasti,
- politikantskog djelovanja Ocjenjivačkog suda za javna priznanja u postupku predlaganja laureata podovom 20. marta, Dana Grada Zenice,


potpisnici ovog međustranačkog sporazuma do kraja mandata fokus političkog djelovanja će usmjeriti ka:

- ✓ vraćanju rada Gradskog vijeća kao predstavničkog i gradonačelnika kao izvršnog tijela u okvire ustava, zakona, Statuta Grada Zenice i Poslovnika o radu Gradskog vijeća Zenica,
- ✓ usvajanju najbitnijih strateških odluka uokvirenih u važećoj Strategiji razvoja Zenice, posebno u domenu otvaranja našeg grada za inostrana ulaganja,
- ✓ povećanju podsticaja za razvoj privrede, olakšanju i ubrzanju procesa otvaranja biznisa u Zenici, te razvoju kulture i sporta u našem gradu,
- ✓ pronatalitetnoj politici, politici socijalnog zbrinjavanja ugroženih kategorija i politici destimuliranja odlaska mladih iz Zenice i BiH,
- ✓ detaljnoj analizi svih odluka Gradske uprave, posebno utrošku budžetskog novca i njegovom usmjeravanju ka rješavanju životnih pitanja građana Zenice,
- ✓ boljoj saradnji i dijalogu Zenice sa kantonalnim, federalnim i državnim institucijama a sve u cilju boljitka Zenice,
- ✓ znatno boljoj transparentnosti u radu Gradske uprave, gradonačelnika i Gradskog vijeća,
- ✓ njegovanju tradicije na odbrambeno-oslobodilačke ratove kojima se čuvala i očuvala cjelovitost i samostalnost Bosne i Hercegovine kao naše domovine,
- ✓ vraćanju međusobnog povjerenja koje je poljuljano širokim dijapazonom napada na sve one koji drugačije misle.


Potpisnici ovog međustranačkog sporazuma će zacrtane ciljeve realizirati putem širokog javnog dijaloga i to koristeći demokratske mehanizme koji su utkani u važeće propise, posebno Ustav, zakone, Statut Grada Zenice, Poslovnik o radu Gradskog vijeća, te znatno efikasniji rad predsjedavajućeg, članova Radnog predsjedništva, stalnih i povremenih radnih tijela, te Gradskog vijeća u cjelini.


MORAMO ZAUSTAVITI STAGNACIJU I POKRENUTI ZENICU NAPRIJED!



 Predsjednik OIO
 SDA Zenica



 Predsjednik A SDA
 Zenica


 Povjerenik GO SBB
 Zenica


 Predsjednik Kluba
 vijećnika SDA
 u GV Zenica


 Predsjednik Kluba
 vijećnika SBB
 u GV Zenica


 Predsjednik Kluba
 vijećnika A SDA
 u GV Zenica


 Samostalna vijećnica
 u GV Zenica
 Diana Bešić

Zenica, 19. marta 2019. godine